

**Till Finlands författningssamling nr 1360/2015**  
(Statsrådets förordning om fiske)

**Tilläggas den samiska översättningen:**

## **Stáhtaráđi ásahus**

### **guolástusas**

Stáhtaráđi mearrádusa mielde mearriduvvo guolástanlága (379/2015) vuodul:

1 lohku

### **Sállasii guoskevaš njuolggadusat**

1 §

#### *Ráfáidahtton guollešlájat ja -nálit*

Čuovvovaš guolit leat ráfáidahtton:

- 1) dápmot sisčáziin govdotatgierddu 64°00'N lulábealde sihke mearas;
  - 2) luossa ja dápmot jogas ja ádjagis čakčamánu 1 beavvis skábmamánu 30 beavái;
  - 3) jávreluossa Vuoksi ja Hiitolanjoki čázadagas;
  - 4) jávreluossa jogas ja ádjagis borgemánu 1 beavvis skábmamánu 30 beavái;
  - 5) rávdu Kuolimos ja Saimaas Puumalansalmi ja Vuoksenniska gaskkas sihke eará sajis Vuoksi čázadagas čakčamánu 1 beavvis skábmamánu 30 beavái;
  - 6) hárru mearas;
  - 7) hárru govdotatgierddu 67°00'N lulábeale sisčáziin cuoŋománu 1 beavvis miessemánu 31 beavái;
  - 8) čuovža merrii luoiti jogas ja ádjagis čakčamánu 1 beavvis skábmamánu 30 beavái;
  - 9) náhkkeguolli cuoŋománu 1 beavvis borgemánu 15 beavái; ja
  - 10) johkareabbá, dielkoreabbá ja baskkesskárreabbá (*Astacus leptodactylus*) skábmamánu 1 beavvis suoidnemánu 21 beavái diibmu 12.
- Nuppeláhkai go ovdalis 1 momeantta 1 čuoggás mearriduvvo, de ráfáidahttin ii guoskka:
- 1) goargjunbuoiddihis dápmohii;
  - 2) Suomaluvotta mearraguovllu olggobeale mearraguovlluide, mat leat guhkkodatgierddus 23°00'E nuorttasgavlui ja dan Hankoniemi lulágeaži riddosárgá ruossasastinčuoggás davás-gavlui ja rádjašuvvet nannánriddui – ná lea ovdal jagi 2019;
  - 3) dápmohii, mii lea bivdojuvvon dakkár ádjagis dahje láddos, masa ii leat johtinoktavuohta mearas dahje jávrris.
- Nuppeláhkai go ovdalis 1 momeantta 3 čuoggás mearriduvvo, de ráfáidahttin ii guoskka goargjunbuoiddihis jávrelussii earret kártačuvvosis oaivvilduvvon guovlluide geassemánu 1 beavvis borgemánu 31 beavái.

2 §

*Guliid bivdomihtut*

Luonddučáziin bivdojuvvon guolit galget deavdit čuovvovaš mihtuid:

- 1) luossa galgá leat uhcimustá 60 sentemehtera guhku;
- 2) jávreluossa galgá leat uhcimustá 60 sentemehtera guhku;
- 3) dápmot govdodatgierddu 67°00'N davábeale sisčáziin galgá leat uhcimustá 50 sentemehtera guhku sihke ovdalis 1 §:a 2 momellantta 2 čuoggás oaivvilduvvon Suomaluovtta olggobeale mearraguovllus sihke govdodatgierdduid 64°00'N ja 67°00'N gaskasaš sisčáziin uhcimustá 60 sentemehtera guhku;
- 4) rávdu Anárjávrris galgá leat uhcimustá 45 sentemehtera guhku ja Vuoksi čázádagas uhcimustá 60 sentemehtera guhku;
- 6) šuđđi galgá leat uhcimustá 42 sentemehtera guhku;
- 7) hárru galgá leat govdodatgierddu 67°00'N lulábealde uhcimustá 35 sentemehtera guhku ja davábealde uhcimustá 30 sentemehtera guhku.

Nuppeláhkai go ovdalis 1 momellantas mearriduvvo, de luonddučáziin bivdojuvvon guolit galget deavdit čuovvovaš mihtuid:

- 1) luossa galgá leat govdodatgierddu 63°30'N davábealde Mearrabađas uhcimustá 50 sentemehtera guhku;
- 2) goargunbuidihis dápmot galgá leat uhcimustá 50 sentemehtera guhku;
- 3) dakkár ádjagis dahje láddos, masa ii leat johtinoktavuohta mearas dahje jávrris, bivdojuvvon dápmot oažžu leat eanemustá 45 sentemehtera guhku.

Nuppeláhkai go ovdalis 1 momellantas mearriduvvo, de luonddučáziin guolástanlága (379/2015) 88 §:s oaivvilduvvon jovkui I gullevaš gávppálaš bivdi bivdin šuđđi galgá deavdit čuovvovaš mihtuid:

- 1) galgá leat uhcimustá 40 sentemehtera guhku Suomaluovttas ja sisčáziin jagi 2018 loahpa rádjai;
- 2) galgá leat uhcimustá 37 sentemehtera guhku 1 §:a 2 momellantta 2 čuoggás oaivvilduvvon Suomaluovtta olggobeale mearraguovlluin jagi 2018 loahpa rádjai ja dan maŋŋá uhcimustá 40 sentemehtera guhku.

Guoli guhkkodat mihtiduvvo gáibegeažis čeahkkái čárvejuvvon beahceha geahčái.

3 §

*ELY-guovddáža mearridan guvllolaš bivdomihtut*

ELY-guovddáža guolástanlága 57 §:a vuodul mearridan guvllolaš bivdomihtut sáhttet leat eanemustá 20 proseantta stuorábut dahje uhcibut go 2 §:s mearriduvvon bivdomihtut.

4 §

*Luosa ja jávreluosa sálašearit lustabivddus*

Lustabivddus bivdi oažžu váldit sálašin eanemustá guokte luosa jándoris.

Lustabivddus Vuoksi čázádatguovllus bivdi oažžu váldit sálašin eanemustá ovttá goargunbuidihis jávreluosa jándoris.

2 lohku

**Bivdosiidda guoskevaš oppalaš njuolggadusat**

5 §

*Meroštallamat*

*Čázeoaifirpmiin* oaivvildit čázeoaivái dahje lagabui go 1,5 mehtera duohkái čázeoaivvis biddjojuvvon fierpmi.

*Stuorramerddiin* oaivvildit dakkár mearddi, rabasmearddi dahje eará sullasaš gokčanbivdosa, mas lea vuodđu ja mii oktan vuojahagain lea muhtun oasis badjel 1,5 mehtera alu.

6 §

*Galljodaga mihtideapmi*

Bivdosa galljodat mihtiduvvo vuovssa árpočuolmma guovddázis čuovvovaš čuolmma guovddázii. Bivdosa galljodat mihtiduvvo dakko, gokko bivddus lea buot baskkimus, ii goittot fierpmi badje- dahje vuollebealis dahje siidduin.

7 §

*Bivdosiid merken*

Bivdúi biddjojuvvon giddes ja orru bivdosiid galgá merket:

1) čáhcejohtalusa geavahan čáhceguovlluin uhcimustá 1,2 mehtera čázeoaivvi bajábeallai badjáneaddji váhčosii giddejuvvon uhcimustá 20 sentemehtera allosaš ja govdosasaš njealjehasa hápmásaš lihpožiin;

2) čáhceguovlluin, main bivdosat eai várra headuš čáhcejohtalusa dahje čáhceguovllu eará geavaheami, uhcimustá 15 sentemehtera čázeoaivvi bajábeallai badjáneaddji govddohagain dahje uhcimustá 40 sentemehtera čázeoaivvi bajábeallai badjáneaddji váhčosii giddejuvvon lihpožiin, man oaneheamos siiddu guhkkodat lea uhcimustá 15 sentemehtera.

Jieŋa alde bivddedettiin bivddus ja bivdima várás dahkkojuvvon, čađamihtu dáfus badjel 40 sentemehtera rutniid galgá merket uhcimustá 1,2 mehtera jieknagierragis badjáneaddji mearkaváhčosiin, mii ii oaččo leat vielgat.

Jos bivddus lea biddjojuvvon bivdúi 1 momeantta 1 čuoggás oaivvilduvvon čáhceguvlui nu, ahte bivddus dahje juoga dan oassi ollá 1,5 mehtera lagabui čázeoaivvi (*čázeoaivvi lahkosis biddjojuvvon bivddus*), de váhčosii galgá giddet badjálagaid guokte 1 momeantta 1 čuoggás mearriduvvon lihpoža. Jos čázeoaivvi lahkosis biddjojuvvon bivdosa guhkkodat lea badjel 120 mehtera, de dan johtinháltti galgá čájehit uhcimustá 15 sentemehtera čázeoaivvi bajábeallai badjáneaddji govddohagain guđege 120 mehtera nammii. Reabbámearddi sáhtá merket, almmá ahte 1 momeanttas mearriduvvon gáibádusat dan hehttejit, 1 momeantta 2 čuoggás oaivvilduvvon čáhceguovllus uhcimustá 5 sentemehtera čázeoaivvi bajábeallai badjáneaddji govddohagain.

Báttit, mat ovttastahttet bivdosiid merkemii adnojuvvon govddohagaid ja lihppováhčosiid, galget leat dakkárat ahte dat vudjot dahje galget dasto buddejuvvot. Ovdalis 1 momeantta 1 čuoggás ja 2 momeanttas oaivvilduvvon lihppo- ja mearkaváhčosiin galgá leat uhcimustá 2 sentemehtera allosaš šelggon, mii oidno buot siidduid guvlui. Bivdosiid merkemii adnojuvvon govddohagat eai oaččo leat ráhkaduvvon čađačuovgi materiálas.

8 §

*Badjel 10 mehtera guhkkosaš bivdosa dahje bivddusollisvuoda merken*

Jos 7 §:s oaivvilduvvon bivddus dahje moanaid oktii gednojuvvon bivdosiid ollesguhkkodat lea badjel 10 mehtera, de 7 §:s mearriduvvon merkenvuogi galgá geavahit bivdosa goabbat geažis ja dárbbu mielde bivdosa suriid gežiin.

9 §

*Bivdosa biddji oktavuodadieđut ja bivdorievtti čájeheaddji mearka*

Bivdosa biddji namma- ja oktavuodadieđut sihke bivdorievtti čájeheaddji mearkka galgá giddet bivdosa olggumus govddohaga, lihppováhčosa dahje mearkaváhčosa oktavuhtii.

10 §

*Bivdosiid gaska*

Mearas oktasaš čáhceguovllus troledettiin ii oaččo mannat 100 mehtera lagabui nuppi bivdi stuorramearddi.

Čázeoaifirmiiguin dahje stuorramerddiin ii oaččo bivdit 200 mehtera lagabus nuppi bivdi stuorramearddi dan siiddu bealde geahčadettiin iige 100 mehtera lagabus dan bađa, jos stuorramearddi hálddašeddi ii leat addán dasa lobi.

3 lohku

**Johttiguliide guoskevaš njuolggadusat**

11 §

*Johttiguollečázadagat*

Johttiguollečázadagaide gullet guolástanlága 64 §:a 1 momeanttas oaivvilduvvon čáhceguovlluid lassin huksejuvvon johka- ja ájačázadagat, main leat johttiguolit.

12 §

*Fierbmebivdui guoskevaš njuolggadusat*

Johttiguollečázadahkii gullelaš jogas fierbmebivdu lea gildojuvvon borgemánu 15 beaivvis skábmamánu 30 beaivái.

Luosa mearas bivddedettiin fierpmi galljodat galgá leat uhcimustá 80 millimehtera.

Dápmoha ii oaččo bivdit mearas čázeoaifirmiin.

Fierpmi galljodat galgá leat mearas čuovžža bivddedettiin:

1) govdotatgierddu 64°00'N davábealde uhcimustá 27 millimehtera ja eanemustá 30 millimehtera dahje uhcimustá 43 millimehtera;

2) govdotatgierdduid 64°00'N ja 63°30'N gaskasaš mearraguovllus uhcimustá 30 millimehtera ja eanemustá 35 millimehtera dahje uhcimustá 43 millimehtera;

3) govdotatgierdduid 63°30'N ja 62°30'N gaskasaš mearraguovllus uhcimustá 40 millimehtera;

4) govdodatgierddu 62°30'N lulábealde uhcimustá 43 millimehtera.  
Cuovvža fierbmebivdun gohčodit dakkár bivddu, mas sálláša deattus uhcimustá bealli lea čuovža.

13 §

*Stuorrameardebivdui guoskevaš njuolggadusat*

Stuorramearddi geavaheapmi luosa ja dápmoha lustabivddus lea gildojuvvon.  
Luosa mearas bivdedettiin stuorramearddi galljodat galgá leat guollebeasis eanemustá 40 millimehtera ja dan eará oasi galljodat galgá leat juogo eanemustá 40 millimehtera dahje uhcimustá 150 millimehtera dahje dan gođa galgá leat ráhkaduvvon nu ahte guolit eai čájja dasa.

14 §

*Vuoksi čázádahkii guoskevaš bivdogieldu*

Bivdu govddohagaiguin čázeoavvi lahkossii dahje gaskačáhcai biddjojuvvon guolleseakteáŋkorbivdosiin lea gildojuvvon Vuoksi čázádagas kártačuvvosii merkejuvvon guovlluin sihke Kuolimos.

15 §

*Gilvvaguliid merken*

Uhcimustá jagi boarisin gilvadápmohiid, -luosaid ja -jávreluosaid goargŋunbuoidi galgá jagi 2017 rájes čuhppojuvvot eret.

Ovdalis 1 momeanttas merriduvvon geatnegahttin ii guoskka ELY-guovddáža dohkkehan ealáskahttin- ja máhcahangilvimiidda.

4 lohku

**Bivddu goziheapmi**

16 §

*Bivdogoziheaddji oahppu*

Bivdogoziheaddji oahpuin geahččalit addit olbmui gearggusvuodaid čájehit bivdogozihanis-kosa čadahemiin dan, ahte sus leat dárbbášlaš dieđut ja daiddut bargat bivdogoziheaddjin.

Bivdogoziheaddji oahpus galgá oahpásmuvvat čuovvovaš oahppofáttáide:

- 1) bivdui ja bivdogoziheapmái guoskevaš láchkamearrádusaide ja virolašvuodáide;
- 2) hálddahuslága (434/2003) mielde dáhpáhuvi buori hálddahussii guoskevaš vuoddon-juolggadusaide, mat bidjet eiseválddiid doibmii kvalitehta dáfus uhcimusgáibádusaid, sihke bivdogoziheaddji eará bargui gullevaš hálddahusbarguid dikšumii guoskevaš láchkamearrádusaide;
- 3) eiseválddi doaimma almmolašvuodas addojuvvon láchkii (621/1999);
- 4) giellaláhkii (423/2003) sihke sámi giellaláhkii (1086/2003) doppe, gos dárbbášuvvo sámegeilla;
- 5) áššehasbálvalandáidduide;
- 6) dorvvolaš johtimii čáziid ja jieŋa alde; ja
- 7) ovttasbargui eará bivdogozihaneiseválddiiguin.

1360/2015

Oahpus galgá giddet erenoamáš fuopmášumi bivdogoziheaddji vuoigatvuođaide ja geatnegasvuođaide.

17 §

*Bivdogozihaniskkus*

Bivdogozihaniskkus lea čálalaš iskkus, ja dasa galget gullat gažaldagat bivdogozihanoahpu buot oahpposurggiin. ELY-guovddáš mearrida dákkár iskosa sisdoalus.

18 §

*Fápmuiboahhtin*

Dát ásahus bohtá fápmui ođđajagemánu 1 beaivve 2016.

Helssegis skábmamánu 26 beaivve 2015

Eanadoallo- ja birasministtar Kimmo Tiilikainen

Guolledoalloráđđi Eija Kirjavainen

